



საჯარო სამართლის იურიდიული პირი

**საქართველოს ინტელექტუალური საკუთრების ეროვნული ცენტრი
ს ა ქ პ ა ტ ე ნ ტ ი**

ქ. მცხეთა

• 18 • 04 2013 წ.

ბ რ ძ ა ნ ე ბ ა № 568/13

სასაქონლო ნიშანზე სასაზღვრო ღონისძიებების განხორციელების შესახებ მოთხოვნის რეგისტრაციის თაობაზე

2013 წლის 5 აპრილის N 71689/03 განაცხადით სს „ქართული ლუდის კომპანიის“ (მის: სოფ. საგურამო, მცხეთა, საქართველო) წარმომადგენელმა ანა ვაჩაძემ მოითხოვა სასაქონლო ნიშანზე „WILDER ENERGY DRINK ენერგეტიკული სასმელი“ (რეგ. N 23601) სასაზღვრო ღონისძიებების განხორციელების შესახებ მოთხოვნის ორი წლის ვადით სასაზღვრო ღონისძიებების განხორციელების შესახებ მოთხოვნათა რეესტრში რეგისტრაცია. სასაქონლო ნიშანი „WILDER ENERGY DRINK ენერგეტიკული სასმელი“ (რეგ. N 23601) საქართველოში რეგისტრირებულია 18.04.2013 წელს და მისი მოქმედების ვადა განისაზღვრება 18.04.2023 წლამდე. სასაქონლო ნიშანი რეგისტრირებულია 32-ე კლასის საქონლის ჩამონათვალის მიმართ. არსებული გარემოებების შესწავლის შედეგად და „საქართველოს ზოგადი ადმინისტრაციული კოდექსის“ 52-ე მუხლის, „ინტელექტუალურ საკუთრებასთან დაკავშირებულ სასაზღვრო ღონისძიებათა შესახებ“ საქართველოს კანონის მე-4 მუხლის, „საჯარო სამართლის იურიდიული პირის - საქართველოს ინტელექტუალური საკუთრების ეროვნული ცენტრის - „საქპატენტის“ დებულების დამტკიცების შესახებ“ საქართველოს მთავრობის 2010 წლის 3 ივლისის N181 დადგენილებით დამტკიცებული დებულების მე-6 მუხლის მე-2 პუნქტის „დ“ ქვეპუნქტის საფუძველზე

ვ ბ რ ძ ა ნ ე ბ ა:

1. სასაქონლო ნიშანზე „WILDER ENERGY DRINK ენერგეტიკული სასმელი“ (რეგ. N 23601) დარეგისტრირდეს სასაზღვრო ღონისძიებების განხორციელების შესახებ მოთხოვნა სასაზღვრო ღონისძიებების განხორციელების შესახებ მოთხოვნათა რეესტრში ორი წლის ვადით (მოთხოვნის რეგისტრაციის N 225, მოთხოვნის რეგისტრაციის თარიღი 18.04.2013).

2. ეს ბრძანება შეიძლება გასაჩივრდეს საქპატენტთან არსებულ სააპელაციო პალატაში კანონით დადგენილი წესით სამი თვის ვადაში ან მცხეთის რაიონული სასამართლოს ადმინისტრაციულ საქმეთა კოლეგიაში (მისამართი: მცხეთა, სამხედროს N 17) ერთი თვის ვადაში.

თავმჯდომარე



ირაკლი დავაშვიძე

ეგზავნება: საქართველოს ფინანსთა სამინისტროს შემოსავლების სამსახურის საბაჟო დეპარტამენტს; სს „ქართული ლუდის კომპანიის“ წარმომადგენელს ანა ვაჩაძეს (მის: სოფ. საგურამო, მცხეთა, საქართველო).



ასლი დედანთან სწორია
“ 18 ” 04 2013წ.
ხელმოწერა 